

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

Sarajevo,
Oktobar, 2010. godine



Broj: 01-01-26-502-1-I/10
Sarajevo, 13.10.2010. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu podnesenom od strane Dine Duraković Morankić, advokata iz Sarajeva, ul. Fra Anđela Zvizdovića 1, 71 000 Sarajevo, zaprimljenom dana 22.06.2010.godine, pod brojem: 01-01-26-502-1/10, Konkurencijsko vijeće, na 2. (drugoj) sjednici održanoj dana 13.10.2010.godine, je donijelo

MIŠLJENJE

Advokat Dina Duraković Morankić, ul. Fra Anđela Zvizdovića 1, 71 000 Sarajevo, podnijela je Konkurencijskom vijeću Zahtjev za tumačenjem člana 2. tačka b) Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10) zaprimljen pod brojem 01-01-26-502-I/10 dana 22.06.2010. godine.

Koncentracijom se u skladu sa članom 12. stav (1) Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon) smatra spajanje ili pripajanje nezavisnih privrednih subjekata ili djelova privrednih subjekata, stjecanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više privrednih subjekata ili dijelova drugog privrednog subjekta, odnosno dijelovima drugih privrednih subjekata i to stjecanjem kupovinom većine dionica ili udjela osnovnog kapitala, stjecanjem većine prava glasa ili na drugi način u skladu sa odredbama zakona koji reguliraju osnivanje privrednih subjekata i njihovo upravljanje, te zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Odredbom člana 14. stav (1) Zakona o konkurenciji određeno je da su namjeravanu koncentraciju privredni subjekti iz člana 12. Stav (1) ovog Zakona, učesnici koncentracije obavezni prijaviti ako su ispunjeni sljedeći uslovi:

- a) Da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) Da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40%.

Navedena odredba Zakona se precizira odredbama Odluke o načinu podnošenja prijave i kriterijima za ocjenu koncentracija privrednih subjekata (u daljem tekstu: Odluka), te se članom 2. Odluke utvrđuje da su privredni subjekti sa sjedištem i prebivalištem u inostranstvu dužni prijaviti koncentraciju ukoliko su ispunjeni uslovi iz člana 14. stav (1) tačka a) i b) Zakona, a privredni subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. stav (1) tačka b) Zakona.

Iz navedenog proizilazi da su privredni subjekti sa sjedištem i prebivalištem u Bosni i Hercegovini dužni prijaviti koncentraciju ukoliko je ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40%, bez obzira na njihov ukupni godišnji prihod ostvaren prodajom roba i / ili usluga na svjetskom tržištu, te ne moraju ispunjavati uslov iz člana 14. stav (1) tačka a) Zakona.

Privredni subjekti, učesnici koncentracije, od kojih neki imaju sjedište u Bosni i Hercegovini, a neki u inostranstvu i privredni subjekti, učesnici koncentracije sa sjedištem inostranstvu koji imaju supsidijarna društva u Bosni i Hercegovini, su obavezni prijaviti koncentraciju ukoliko su ispunjeni uslovi iz člana 14. tačke a) i b) Zakona.

Predsjednik

dr. Stjepo Pranjić